

Broj: 01-01.3-5921-10/25 SZ

Datum: 31.7.2025. godine

Na osnovu člana 69. stav (3) Zakona o javnim nabavkama ("Službeni glasnik BiH" broj: 39/14, 59/22 i 50/24), direktor Javnog preduzeća Autoceste Federacije Bosne i Hercegovine društvo sa ograničenom odgovornošću Mostar donosi sljedeću:

ODLUKU
o otkazivanju postupka javne nabavke
u otvorenom postupku

I

Postupak za javnu nabavku roba: „Najam putničkog vozila“, broj 01-01.3-5921/25 SZ, za koji je objavljeno Obavještenje o nabavci, broj: 266-1-1-80-3-229/25 dana 24.6.2025. godine, otkazuje se u skladu sa članom 69. stav (3) Zakona o javnim nabavkama (u daljem tekstu Zakon), zbog dokazanih razloga koji su izvan kontrole Ugovornog organa i koji se nisu mogli predvidjeti u vrijeme pokretanja postupka javne nabavke.

II

U skladu sa članom 70. stav (6) Zakona, JP Autoceste FBiH d.o.o. Mostar će ovu Odluku objaviti na svojoj internet stranici: www.jpautoceste.ba i to istovremeno s upućivanjem Odluke ponuđačima koji su učestvovali u postupku nabavke.

O b r a z l o ž e n j e

Javno preduzeće Autoceste Federacije Bosne i Hercegovine društvo sa ograničenom odgovornošću Mostar je u skladu sa čl. 14. stav (4), 17. stav (1), 18. stav (1) i 19. stav (1) Zakona, pokrenulo otvoreni postupak broj: 01-01.3-5921/25 SZ za nabavku roba: „Najam putničkog vozila“. Na Portalu javnih nabavki objavljeno je Obavještenje o nabavci broj: 266-1-1-80-3-229/25 dana 24.6.2025. godine.

Kriterij za dodjelu ugovora je „najniža cijena“.

Na osnovu Obavještenja o nabavci i tenderske dokumentacije izvršeno je javno otvaranje ponuda dana 16.7.2025. godine u 11:00 sati u prostorijama Javnog preduzeća Autoceste Federacije Bosne i Hercegovine d.o.o. Mostar, Hamdije Kreševljakovića broj 19, što je konstatovano u Zapisniku o otvaranju ponuda u skladu sa Zakonom. Komisija je na javnom otvaranju ponuda konstatovala da je ponudu blagovremeno predao 1 (jedan) ponuđač.

Komisija je prema članu 65. Zakona pristupila pregledu i ocjeni ponuda, što je evidentirano u Zapisniku o pregledu i ocjeni ponuda broj: 01-01.3-5921-6/2 SZ od 16.7.2025. godine, te je donesena Odluka o izboru najpovoljnijeg ponuđača broj: 01-01.3-5921-7/25 SZ od 18.7.2025. godine kojom se ugovor za javnu nabavku roba: „Najam putničkog vozila“ dodjeljuje ponuđaču Auto Nuić d.o.o. Mostar koji je u otvorenom postupku jedini dostavio ponudu, a ista je prihvatljiva, odnosno ispunjava sve uslove i zahtjeve koji su propisani tenderskom dokumentacijom.

Nakon dostavljanja Odluke o izboru najpovoljnijeg ponuđača broj: 01-01.3-5921-7/25 SZ od 18.7.2025. godine koja je dostavljena na e-mail dana 25.7.2025. godine, izabrani Auto Nuić d.o.o. Mostar je bio dužan da u roku od 5 (pet) dana na protokol Ugovornog organa dostavi dodatnu dokumentaciju, odnosno originale ili ovjerene kopije svih zahtjevnih dokumenata iz člana 45. tačke a) do d), za koje je dao izjavu u skladu sa Aneksom 5 tenderske dokumentacije.



Do krajnjeg roka za prijem dodatne dokumentacije, 30.7.2025. godine, izabrani poruđač Auto Nuić d.o.o. Mostar je dostavio tražene dokumente. Na protokol ugovornog organa je cana 30.7.2025. godine dostavljena dodatna dokumentacija, međutim kako je ista nepotpuna, izabrani ponuđač nije dokazao da ispunjava uslove lične sposobnosti iz člana 45. stav (1) tač. a) Zakona. S obzirom da je ovaj ponuđač ujedno i jedini učesnik u predmetnom postupku, Ugovorni organ nije u mogućnosti da postupi u skladu sa članom 72. stav (3) tačka b) Zakona, odnosno dostavi prijedlog ugovora ponuđaču čija je ponuda po rang-listi odmah nakon ponude ponuđača Auto Nuić d.o.o. Mostar.


Shodno navedenom, postupak za javnu nabavku roba: „Najam putničkog vozila“ se otkazuje u skladu sa članom 69. stav (3) Zakona, zbog dokazanih razloga koji su izvan kontrole Ugovornog organa i koji se nisu mogli predvidjeti u vrijeme pokretanja javne nabavke.

Pouka o pravnom lijeku:

Protiv ove Odluke može se izjaviti žalba u roku od 10 (deset) dana od dana prijema ove Odluke. Žalba se izjavljuje URŽ-u putem ugovornog organa u pisanoj formi direktno, elektronskim putem ili preporučenom poštanskom pošiljkom. Žalba se podnosi u dovoljnom broju primjeraka, a koji ne može biti manji od tri.

**izvršni direktor
za opće, kadrovske i pravne poslove:**

.....
Mirnesa Agić, dipl.oecc.



Dostaviti:

- ponuđaču koji je predao ponudu
- a/a



Identifikacijski broj 422769154005 PDV broj 227691540005
Glavni račun: Union banka Sarajevo 1020010000014039
Transakcijski račun: Raiffeisen bank dd Sarajevo, glavna filijala Mostar 1610200062470038
Federalna taksa za korištenje autoceste: 1610200062470232 i 3386902296565422
Naknada za korištenje cestovnog zemljišta: 1610200062470135 i 3386902296564549
Registровано u Općinskom sudu u Mostaru, MBS 58-01-0179-10